

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KTD 0059592 24  
Zenica, 05.05.2025. godine

**OPĆINSKOM SUDU U ZENICI**  
-Sudiji za prethodno saslušanje-  
**ZENICA**

Na osnovu člana 45. stav 2. tačka i) i člana 241. stav 1. ZKP-a F BiH, podižem

**O P T U Ž N I C U**

Protiv:

**D. E.**, neosuđivan,

što je,

dana 10.07.2024. godine oko 18,10 sati, u Zenici, na regionalnom putu R-457 Zenica-Arnauti-Kakanj, upravljajući putničkim vozilom marke „...“ probnih reg. oznaka: ..., vozeći iz smjera Arnauta u smjeru Zenice, u kojem se na mjestu suvozača nalazila njegova supruga Z.E., a na zadnjem sjedištu njihova djeca ... vozio neoprezno i nedovoljno pažljivo, postupajući suprotno odredbama člana 39. stav 2. Zakona o osnovama bezbjednosti saobraćaja na putevima u Bosni i Hercegovini, ne vodeći dovoljno računa o položaju vozila i pravcu kretanja, da je dužan vozilo u kretanju držati što bliže desnoj ivici kolovoza i na tolikoj udaljenosti od nje da, s obzirom na brzinu kretanja vozila, uvjete saobraćaja i stanja osobine puta, ne ugrožava druge učesnike u saobraćaju i sebe ne izlaže opasnosti, svjestan da zbog toga može izgubiti kontrolu upravljanja nad vozilom, ugroziti javni promet i dovesti u opasnost život ljudi, na što je pristao, uslijed čega je u mjestu H. vozilom sišao sa kolovoza i udario u potporni zid koji se nalazi sa desne strane kolovoza, posmatrano u pravcu njegovog kretanja, kojom prilikom su saputnici u njegovom vozilu zadobili tjelesne ozljede i to: Z.E. tešku tjelesnu ozljedu u vidu višekomadnog preloma desnih rebara od IV-VI i nagnječenje tkiva pluća obostrano, mldb. ... tešku tjelesnu ozljedu u vidu razdernonagnječne rane glave čeonno desno, linijski prelom čeonne kosti desno i krvni podliv poglavine čeonno desno i mldb. ... tešku tjelesnu ozljedu u vidu preloma desne golenjače,

dakle, kao učesnik u saobraćaju na putevima, koji se ne pridržava saobraćajnih propisa, ugrozio javni promet da je doveo u opasnost život ljudi, uslijed čega je prouzrokovana teška tjelesna ozljeda neke osobe,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.